



21654

Mag. Si. Dr.

P

chorus

Societas Villos. Societatis Annuntiatas
Virginis. Cor leonis signum coeli sub
quo illius d. d. Christoph. Sapieha
17 Aug. mortuus.

PANEG. et VITAE

Polon. Fol.

Nº 1169.



Per Augusta
Ad Augusta

COR LEONIS
signum coeli
quo M.D.D.C.H.
SAPIE HA
17 Augu:
Monu
us

COR LEONIDAE
Fortunam Xenis domuit. Post
coronam capiti Regio derivata

In
Tribus hactis uirtutem
simulac uis am
absoluit: plus in
Paral:

Fortunam Vir ruse domui

Illmo Dmo
D. LEONI SAPIE HA
M.D. Lit: Supremo Exe Duci
Palat: Vilen:
OPTIMO PARENTI
OPTIMUM FILIVM
Christo: Nico: SAPIE HA
M.D. Litu: NOTARIVM
In moribus suis. et mente R p a
superstitem
Sodalitas Annuntiat a Virg:
In Alm: Vniu: Vln:
D. D.

RECEIVED
JAN 10 1880

RECEIVED
JAN 10 1880

21.654
JAN 10 1880



AD ILLVSTRISSIMVM DOMINVM
D. LEONEM
SAPIEHA
PALATINVM VIL-
NENSEM
M. D. L. exercituum supremum Ducē.
Capit. Mohilou. &c. &c.



Ixit Christophorus Nicolaus SAPIEHA
Filius tuus Ill^{me} Dñe; in quo Sodalitas
nostra Parthenica exemplum, Respub-
lica spem proximam, COR amisisti LEO
Pater. Quis dolori tuo legem dicet,
quē iura adiuuant? Quippe filium ^a PER-
SONAM, ^b VOCEM, & ^c CORPVS
Patris iura dicunt. Filium amisisti, quem
in personam, vocem, & vultum tuum natura & virtus
finxerat; vt si in aliis frustra, in hoc filio rectē Euripides di-
ceret, ^d ANIMVS Patris. Animus ergo tibi ereptus est,
COR Paternæ mentis, & affectus sedem amisisti. Sed tan-
to æquius doleas, quod dolorem tuum cum Republica di-
uisisti, cui æquē ac tibi filius tuus, COR fuit.

Qui animi bonis, & Sapientiā cæteros mortales præstiterē,
^e CORDA apud Romanos appellati. Quæ bona animi in
Filio tuo Patria non suspexit? quam in illa ætate, insoli-
tam Sapientiæ ac rationis vim, non amauit? quas voces o-
bitus eius, Magnis (utriusq; gentis, vnius Reip) Patribus
non extorsit? Regni Senator erat, qui ad primum de eius
morte nuntium exclamauit, Potuimus in præmaturam ac
felicem eius indolem intuentes illud effari

Ostendent hunc terris fata, nec ultra

Esse sinent.

Ita in eo, motum illum animi celerem, fortem & acutam
prudentiam, priuati laudabant, Tribunalia sequebantur,
quibus illud inprimis quærebat, vt animos in sentiendo di-
uersos sociaret, vt seclusis in decernendo PARTIBVS,
& auidis

^a L. Cum scimus
in fin: c. De A-
gric: & cens:
L. 11.

^b Paragr: Et vo-
ro de inutil: sti-
pul:

^c L. Fin. de impub:
& alijs substit.

^d Apud. Cal. l. 11.
ant: lect, c 17

^e Plin: l. 2 c. 31.

& audis consiliis, unus incorrupti iudicii vultus maneret; ut se potestas nocendi cohiberet: dispicerent omnes decreta, tardeq; & iuste id concederent, quod datum non adimeretur. Ita sæpe ab illius pondere totum tribunal librabatur, ubi sententiarum in æquum & bonum conspiratione, e priuatorum ingeniis, Remp: faciebat. Tempestivus ergo fuit quem Princeps præcipuis honoribus amaret, cuius optimis in Remp. studiis mirè congruebat.

Tic: in Tuscu. n. 13

Multa (ut solet) affectus Popularium, iis qui in Repub. emerent nomina indidit; in quibus Scipionem Nasicam, ob confessam civitati Sapientiam, COR CVLVM, Richardum Angliæ Principem, COR LEONIS, ob animi magnitudinem, appellavit. Vtramq; Scipionis ac Richardi laudem, qui eriperet, fuit Christ. Nicol: SAPIENTIA, Filius tuus illi Dñe: qui ob sapientiam, & excelsum bello animum, COR LEONIS, id est TVVM, audiret. Animus belli ingens, luxur & quietis contemptor, quæsito diu prælio, cum se tempus dabat, à te frustra habitus, qui præferuidos ac viriles spiritus, senili prudentiâ temperabas, Leonis ritu, neglecto cultu, intacto capite, in agmine, in laboribus frequens adesse, nihil nisi sponte Patris incipere, laudem strenuis, solatium inualidis, exemplum omnibus, ostendere nitebatur. Id enim usu salubre, & autoritate melius, ex magnis, æui nostri Imperatoribus, didicerat. Castrorum verò, acierumq; artem inprimis tenebat, sed eruditas belli cogitationes, intra animum continuit, dissimulato rei militaris intellectu, ex aliorum consiliis pendebat: si quid in publicum consulebatur, in tempore se facturum respondebat, ubi ver ætatis adoleuisset. Nimirum in Rep: sermonum audia, actionum, consiliorumq; naturam, ex virtutis gustu explorabat. Non supercilium erexit, non se æstimavit, non extulit; nunquam TE PATREM ulli minatus est: nemo potentiam eius, omnes humanitatem sentire. Tacito itaq; virtutum passu, in gloriam ibat, ut famam moraretur; sæpe vel ipsis castris, in faciem pacis vivebat, ubi tametsi omnia in eum studia prompta erant, nunquam famæ serviuit, quæ in novis captis, validissima est; videbaturq; locus ad spem Reip. implendam patefactus; cum in magnarum cogitationum impetu, morte substitit, admodum inuenis, & fortunæ, in quam alebatur capax: quem tibi in subsidium Imperii militaris, paraueras PATER.

Dignum erat COR LEONE Patre, ingentis animi, & constantis inter angustias mortis retinens; dignum cui hæ lacrymæ parentarent. Quid enim aliud generosis LEONIS oculus, quam COR fletet, cum quo in vita rectè consenserat? Id nimirum, vetus illa Academia docuit, a COR cum OCVLIS consentire. b Est piis affectibus quædam etiam flendi voluptas, per quam evaporat dolor; c est quæ

a Cic. l. 2 Acad.

Quest: n. 22

b Amb: fun: Valen.

c Sen. ad Mart:

quædam & dolendi modestia, a lacryma quippè indices pietatis non illicites sunt. ^{a Amb. fun. frat.} Permite tibi Illū Dñe vt homo sis, neq; enim hæc, quam portas Persona, aut Imperium, aut doctrina, tollunt affectus. ^{Jul. Capit. in Pio.}

Habuiſti Filium, hoc in maximis bonis pone, quod Reip: ſpem, quod cæleſti patriæ ciuem dediſti: vtendum tibi illo, non fruendum fuit; commodatum habuiſti, reddendus erat cum natura poſceret, quæ in eo, non tuam, & noſtram ſatietatem ſecuta eſt, ſed legem ſuam, nec abiſſe putes, quem præmiſiſti. Sñā te vitā ille fulciri cuperet, ceſſit ſuis, vt de eius annis Pater viueres.

Tu verò PATER (inquit) viue, & ſi tam obſequens es, vt hoc precari filio permittas, de meo, viue; ſi breuior voto tuo vixi, boni conſule. Volo interim ſolatia tua tibi oſcendere; reſpice Fratres meos, quibus ſaluis, fas tibi non eſt, accuſare mortem meam; in vtroq; habes, vnde vtriuſq; virtute delecteris; fructu alterius Filij dignitate, alterius obſequio, vtriuſq; pietate. Noui Fratrum meorum intimos affectus, alter dignitate ſuā ad ornamentum Patris vtitur, alter ſe ipſo, vt Reip & tibi vacet. Bene vtrumq;, in auxilium, & oblectamentum tuum, ſtudia ſua, ac Reip, officia diſpoſuerunt, vt alter latus tuum domi, alter nomen colat. Certabunt in te officiis, & vnius deſiderium, duorum pietate ſupplebitur, vt nihil de me deſideres præter numerum.

A deſiderio mei te vindica, ne plus apud te vnus dolor, quam totius Patriæ ſolatia poſſe videantur, in hac vna, tibi ſatis præſidii, ſatis ſolatii eſt. Legem ſtatue animo:

Neminem flebo latum.

Indue Parentum Optime, diſſimilem animo tuo vultum, eum te domi præſta, qualem militia Magnum Ducem agnouit; cum rebus affectis, hilaritatem de induſtria accipiebas, aduerſas res, adumbratā lætitiā abſcondebas, nullus fractam ſui Ducis mentem vnquam adſpexit; cum ſe Leone Duce, exercitus militare meminifſet. Circumſtat te iſta conſolantium corona, proijce ex toto dolorem, ne plus in te dolor, quam hoſtis poſſit. Si COR LEONI Patri Filius viuus fui, COR affectus ſedem morte depoſuiſti, affectum depone.

Plin. l. 11. c. 37



ODE

Non esse deplorandum illum, qui in
mente Reipublicæ, ac moribus suis
viuit.

FRustra iacentem flebimus indolem,
Jam se **BEATIS** addidit hospitem.
SAPIENTIAM, maturumq; dulci
Præripuit senium iuuenta.
Vester **BEATI**, uester in ætheris
Euasit aulam; viuere pulchrius
Incepit, Oratorq; Calo
Pro Patria stetit, elocutus
Gratum **TONANTI** carmen, & annuum
Responsa Votis, scilicet utitur
Cælis, & incedit per astra,
Depositum specularis orbem.
Hinc nescientem, spectat amabili
Vultu **PARENTE** M. Nos quid inutiles
Moramur umbras, & futura
Tristitia comitem cupressum?
Cedent sereno funere nenia,
Luctusq; cedent; nomen in ultimas
Exibit oras, nec sepulchri
Arbitrium patietur, inter-
minata Virtus, nulla silentio
Descendet ætas; dicet ut integer
SAPIENTIAM vixit; se iuuenta
Eripuit; volucrisq; fati
Præuertit alas; nempe volentibus
Consensit astris, cui Sicula dapes,
Morum elaborabant saporem,
Et medijs latuere verbis
Fauit fluentes. Mentis, & ingenii,
Benigna doctis vena laboribus;

Accepit insignes & imos
 Pectus amicitijs apertum.
 Mores quieto supposuit iugo,
 Morem nec ulli flagitio gerit
 Curasque mortales, & omnem
 Præterijt sine labe culpam.
 Non capta luxu vita superfluo,
 Terrena non mens, Angelus, Angelus:
 Sunt orbe, Littauisq; terris,
 Qui superos deceant alumni.
 Sed veris instar, vultus ubi illius
 Affulsit, illum Patria diligit,
 Illum senatus querit, illum
 Fama vocat popularis aura.
 Intrauit acrem iudicij domum,
 Sententiarum triste senaculum,
 Illamq; Maiestatis arcem,
 Ingenij rapuit triumphis.
 Vbi potentum longa negotia,
 Diuicatâ lite coërcuit,
 Artesq; dimouit, diesq;
 Iustitiæ reditum morantes.

Cum omnia mortalia sint, ne a viris
 Resp. destituatur, educatione iuuentu-
 tem parandam esse, quæ decedenti-
 um iacturam fartiat, & labes Pa-
 triæ diluat.

Tot una gentes linea diuidit,
 Suprema rerum linea maximas
 Deleuit vrbes, nec POTENTVM
 Tacta iugo neq; militum armis

Possedit eum: querimus, heu pudor!
 Nos sumptuosa vulgus inertia
 Celare vitam; perdimusq;
 Florem animi laribus paternis,
 Mors & latentes inueniet domi;
 Ad arma fortes, viuite Patria,
 Artesq; MAIORVM iacentes,
 Reddite consilijs & armis.
 Quis Patria, ô te quis rapuit tibi?
 In te quid ultra est, illius illius
 Lituanie, quæ vixit olim,
 Ipsa suis opifex triumphis?
 Maturior vis eripit, auxilio -
 - Aptam Iuuentam; robore decidit
 Flos omnis, exemplumq; tristi
 Militie, iacuerè fortes
 Vix inchoato tramite gloria.
 Nuper cadentem vidimus arbitra,
 Sub MORTE, SAPIEHAM; quis illo
 Iudicio stetit absolutus,
 Vel impetravit Iustitium breue?
 Omnes eodem trudemur; ut libet,
 MORI STATVTVM est; una retro,
 Fama breuem Dominum sequetur
 Superstes cui. Restat honoribus
 Æterna virtus. Non ego te meis
 Chartis inornatum tacebo,
 Historijs, titulisq; magnum
 SAPIEHA, si quæ est gratia carmini,
 Diceris Orbi; spirat adhuc amor
 Quem Patrie pectus recepit,
 Forma animi generosa, spirat,
 Dicenda Musis. Magnus habebitur
 Quicumq; fastis te leget in suis,
 Quem pacis expertes Polona,
 Gottigena didicere nuper

Quid

Quid Marte posses; P A T R E sub auspice
 Te digna tentas; dulce periculum est,
 Intrare fastos inquieto
 Sanguine; vulneribusq; pulchrum
 Dixisse vixi. Prælia cum tibi
 Magnus negaret consilio Parens,
 Ad arma dicebas, A D A R M A
 P A T R E fui genitus L E O N E.
 Bellum secundâ quasi alite
 Romanus, alter signa Draconibus
 Armauit, alter signa gallis,
 Alter Amazonia securi:
 Non signa gallis Patria reddidit,
 Ad signa C O R V I N O S vocat oscines.
 Bello Duces confederavit,
 Alitibus cum A Q V I L I S, L E O N E S.
 Vnitâ quid non restituent manus?
 Vtroq; fluxit Christophorus Duce;
 Vtroq; descendit decorus
 Sanguine, cum A L I T I B V S L E O N V M;
 Spes ex utroq; inceperat arduas
 Coniuncta virtus. Copia fortibus
 Est fama in armis. Hinc & inde - Ab
 Hoste fluens reualescit Echo.
 O quidquid in se L echus habet viri
 Vim de superbis non ferat hostibus,
 Per arma, dotatam vel astris
 Inueniet, vel honore mortem.
 Hic mos decoris non fuit ensibus.
 Furor ne nos, vel vis tenet acrior,
 An culpa? Respondete fortes
 Militia socij decusque.
 Tacent! malorum calat originem
 Indeprehensi carceris abdito,
 Æterna Maiestas in omnem
 Vindicijs abitura culpam

*Tu Viue natis Patria, ad optimam
Te uerte frugem; tristitiam bono
Compesce vultus fac, ut omnis
Christophorum tibi reddat Annus*

EX VNGVE LEONEM

Laudata virtus si redit ad genus,
Nomenq; riuo fons dat idoneum,
SAPIENHA te magnum LEONEM
Prodiderat generosus VNGVIS.
Ex illo OMEN, Curia sumpserat,
Et spem Senatus; semina gloria
Tam magna, tam paruis in annis,
CHRISTOPHORVM & Patrie capacem.
Sensere PATRES: Dixit & ARBITER
MONARCHA Regni, Quandoquidem tuam
Præcedis ætatem decoris
Officijs, & honor. virentes
Præcedat annos; Curia te suis
Inuoluet actis, quem generis nitor,
Morumq; doctrinaq; cultus,
Patrie ad ingenium pararunt.
O quanta Patri gaudia publicus
Plausus ferebat! quantaq; reddidit
Admurmurando, Filius cum
Diceret in Patrie Corona!
Circumsonabat murmur, & arbiter
Non nemo dixit: Quis PVER hic putas
Futurus olim, si iuuenta
Est animi facies adulta?
Omnisq; in illo substitit omnium
Vultus; quis illam negligat Indolem,
Quæ cepit omnes? quis beato
Nolit ab ingenio morari?

Festina

*Festina laudum precipit arduos
Virtus triumphos, nec senij moras
Expectat, eternas ab ipso
Discit opes animumq P A T R E.*

*Rectè educatis moribus addidit
RÉGINA laudem; Non similes ait
Videntur ulli, qui potentem,
Tam bene contineant Iuuentam.*

*CONSTANTIÆ vox ingenium probat
Constantis cui; conueniunt bene;
CONSTANTIAM vitá secutus,
Morte simul fuit infecutus.*



C

NEMO

NEMO HUNC LACRYMIS
DECORET

Qui de suo Magnus est,

CHRISTOPHORVS NICO.
LAUS SAPIENTIA

LEONE PATRE
PALATINO VILNEN:
M. D. L. EXERCITVVM
SUMMO DUCE.

MATRE ELISABETHA
RADIVILIA, PRINCIPE
DE BIERZE ET DVBINKI

NATVS

*A Parentum moribus, clara animi initia, & indolem hausit.
Ingenuum illustre ijs studijs FVVENIS impendit, quibus
firmior aduersus fortuita Remp. defenderet.*

STVDIOSVS

*Vniuersitates Vilnensem, & Louaniensem, ingenij admiratio-
ne tenuit. Ius utrumq, & Philosophiam, ex eruditissimis
Magistris, Bella ex Imperatoribus, Prudentiam Civilem ex
summorum Principum consuetudine didicit.*

VNDE

VNDE REDVCEM

*Re*publica respexit, cum vires fortunaſq̃ animi, è proximo oſtenderet; Par ſummis Reip: negotijs; ubi Conuentus aut Tribunalia poſcerent, GRAVIS, INTENTVS & MAGNVS, ubi officijs factum ſatis, nulla POTESTATIS, tota HVMANITATIS Perſona, omnium in ſe oculos, ac ora collegit. Et ſuſpici à SENIORIBVS IUVENIAM ſuam cernens, ſalubri temperamento humanitatis, ac modeſtie imagine, VEL ABAT ANIMVM.

VITA ILLI

*Om*nibus ſimulachris emendatior, integritate mentis & corporis conſtitit. Dies abiit nunquam, quã non aliquid MANSVETVM, VTILE, PIVM faceret. In ſacra, & æterna, omnibus vitæ moribus incubuit. Omnes ſummorum hominum laudes breui indole comprehendens, in medio maximarum cogitationum vix OTIVM MORTI fecit; cum ADOLESCENTIAM multorum SENIO feliciorem depoſuit.

INGENTES SPES Patriæ

VIVENS incepit.

MORIENS docuit.

Omnia. Vitæ negotia. eſſe.

CONCEPTVS INCHOATOS.



AD ILLVSTRISSIMUM DOMINVM,
D. IOANNEM
STANISLAVM
SAPIEHA
M.D.L. MARSCHALCVM
CAP. SŁONIMENSEM &c.



Solem inter & hominem admirabilis quædam consensio est, ut eius lucem, non tempora modo audiant, sed vita hominū. Dies enim omnino vita nostra est, horis, rebus, negotiis distincta; uultum solis Vmbræ sequimur; quid enim de toto quod uiuimus, præter umbram, tenemus? quæ ad omnem Solis motum varia est. ^a Nihil immobile natura concepit, fortuna in nos ac ætas ludit, ^b Vitæ nostræ cursum breuiter raptimque transimus, actuum quisque suorum sarcinas portantes. ^c Iter ergo ad mortem vita est; primo uiuendi puncto, impetum moriendi capimus, ut quiescentes elabi nobis ac fugere videamur, Solem & tempus secuti. Horologia ergo imitamur, quibus ad mobilem gnomonis umbram tempus cœli discitur. Vnumquemque nostrum non mutæ cœlorum lucis, sed vitæ Horologium existimemus, quod actiones horasque omnes, recte collocat ac dirigit, ut cum celeritate temporis, utendi velocitate certetur. Cuius generis exemplum nuper fuit CHRIS: NIC: SAPIEHA Frater tuus Illiſſe Dñe; qui primo vitæ apparatu, nullum non tempus, in vsus suos contulit; omnes horas complectebatur, omnes pietate, variis vitæ officiis & Reip. commodis occupabat; pauci igitur anni, nobiles in eo operas edidit; omnis eius labor, Cœlum respexit. Magna mihi copia memorandi esset, quibus virtutum ac vitæ meritis in summam Reip. spem crescebat, nisi hæc apud Fratrem dicere, in quem præclaris morum exemplis formabatur, quem vitæ institutis prætulit; nihil in illo fuit, quod non ex te agnosceret; ad normam se animi, ac moderationis tuæ conformauerat; cogitabatque quantum & tibi uiueret, & Patri; sed antequam felicitatem suam nosset creptus est. Citauit eum repetundarum natura, quæ prior ei vitam credidit, non litem intendit, acceptam retulit
volens,

Plin. lib. 2 c. 6.

a Sen. Qua: natur. lib: 6

b Aug. l. 4 de Ciu. c. 5

c Sen: ad Polyb:

Volens, quam non sentiens acceperat; reddidit animum meliorem quam acceperat. Longissimum illi ævum indolis eius fama promisit, cū maximis viris, quorum se ingeniis, vel contulit, vel si hoc Verecundia eius recusat, applicuit; ad omnem quippe exterarum gentium prudentiam, & vsum, cui per tot annos insueverat, instituta patria assumens, sese Reip: parabat, in quam educabatur. Animum semper infixum in Patriæ charitate habebat, ex cuius læto aut deiecto vultu, suum sumebat; Cui omnia vitæ commoda, ipsam deniq; vitam addere optaverat, & si id Parentis voluntate lieuisset, fecerat. Hunc ego Tite Livii, ætati illi iuvenem obiecissem, cum hæc de Patribus civitatis vestre scriberes.

Patres suarum rerum erant, amissâ publicâ.

Liv. lib. 3

Felicem Remp. in quâ non Patres tantum, sed ne filii quidem suarum rerum sunt; qui ferè per Nomen obsidum, exterarum gentes armorum strepitu circumsonantes, propositis vitæ periculis adeunt, bella & castra ediscunt: omnes animi opes ac nervos, ad augendam Remp: conferunt. Talis CHRIST: NICOLAVS SAPIEHA. Frater tuus, inusitata indole, mentem Reip. convertit, & alacritatem attulit; talis ex Patre Exercituum Summo Duce, rerū ac militiæ momenta accepit; Mel ac deliciæ Patriæ, summos & imos exspectatione tenuit. Dies publicis, noctes cœli negotiis, & animo dabat, verè Christophorus, vere adolelescens Nominis sui; Strenuè in id vnum intentus ne cui suarum noctiū ingenia innotescerent, quarum iacturam Divinæ Matri, iubens faciebat.

Vanitas vitæ.

Vnam vitabat Noctem, quæ falsis rerum imaginibus nullâ certâ spe, illudit animis; nihil in tanto rerum apparatu magnum & serium omnia Oculos imitari censebat; nihil in tã sūptuosa vanitate hominum præter nomen amabat. Agebat itaq; vte tempori suo, q̄ dum tenetur, fugit, præseter faceret, & adolescentiam ad senium extenderet; cum in ipsa morte, Solis cum homine quendam concentum, amicitiam, & consensum expressit. Fatetur enim non nemo, primâ illa mundi infantia, Solem miserabili primi hominis lapsu afflictum, septies tantum lucis deposuisse, quantum interea portat; vt vel hoc luctu, amico homini consentiret. Hanc amicitiam Solis, CHRIST: NICOLAVS SAPIEHA Frater Tuus imitatus, ad Solis iter viam disposuit; diem Solis in horarum numero secutus, diem vitæ quatuor & viginti annis (felicem Noctem adstantibus precat9) absoluit. Meminerat Solē aliquando ab Egyptiis notatum, vbi nunc oritur, occidisse; provincias ergo Occidenti Soli vicinas permensus, vbi ad Patrium Orientem rediit, Solis exemplo occidit.

Viterb. 1. Part: Chronic.

Herod. in Euter.

Tem.

Temperandum esse Lacrymis ad funera,
virtutem a literis habere
perennitatem.

Qui tristes Elegos, & querimonias
Mandato placidi ducit Apollinis,
Ad sensum Cythara carmina diuidens
Vates Christophorum vocat.

Nobis ille quidem flebilis, attamen
Nulli flebilior quam tibi Patria,
Cum desiderijs lesa potentibus
Queris Patria FILIVM.

Ceu mater teneram perdidit alitem;
(Quem iunctis rapuit Corus Ethesijs,
Iactaruntque anime que mare temperant
Adulci profugum domo)

Cum syluis queritur, prouocat aëra,
Et questum fluuijs narrat inutilem,
Dignatur sobolem talis amabilem
Fletu querere Patria.

Fatum non oculis viuit & auribus;
Cum Musis lacrymas funde canentibus,
Seu cygni dederis (si placuit) sonum,
Seu testudinis aurea.

Certet per docilem gratia barbitum, &
Collecto modulos dissipet aëre,
Vocalis studii docta licentia,
Surdus ludet in auribus

A.

Cum

Cum dulci sonitu fata cœrcuit,
Infregit digitos in cythara modum,
Et solus cecinit, solus & Orpheus
EMIT CARMINE coniugem.

Ergo Christophorum ferreus abstulit
Somnus, sed vario raptus ab otio,
Et palmis potuit crescere, & hostibus,
Auroram inter & Hesperum.

Non incerta loquor; si qua oculis fides,
Victorem ex facie vidimus hostium,
Sed cœli placito substitit, ardui
Inter cepta negotij.

Qui ritus FLUVIIS, mos & honoribus,
Surgunt, & subito flamine decidunt,
Erexit Patria spes, simul abdidit,
Et se composuit sibi.

O aulâ mediâ sistar Olympiâ
Cui voces solitum est, reddere septimas,
Tam chari capitis munera differam,
Cultor Pieridum; neq̃
Si Musa taceant, cum bene feceris
Palmam sustuleris. Nam taciturnitas
Inuoluit meritum: hinc, Vatis est honor
Mentem marmoream gerunt.

Non est qualis erat, desinit imperio
Exercere aciem; & nobilis, & decens
Adsidere Patri, & ducere copias.
Cultu pulcher Achaico

Illum cum sonipes vendidit omnibus
Ostenditq̃ viris, ex facili potens

Scffore

*Seffore; ex Domino iure superbiſt.
Euinctis folijs Ducem.*

*Vidiſſent utinam ſecula cum Patre!
Quem pulchra capitis condecorant niues.
Et quæ vis animi, innata Leonibus
Forti conſilio aſſidet.*

*Puris vos ſimiles Frater oloribus
STANISLÆ cupit, te ſibi poſthumum.
(Et cœli placitum eſt, fata recedite.)
Te ſeruare diu, & Patrem.*

*Tandem per lacrymas egeritur dolor,
Et ſeſe ſatiati; deſine perpetis
Tandem triſtitia, deſine pertinax
Mortem ſiſtere Lacrymis.*

DE VITÆ BREUITATE Nec iuuentuti fidendum eſſe

I. VITA VMBRA.

C Redite Romanum verè dixiſſe Pœtam,
Nos ubi decidimus puluis & umbra ſumus.
Umbra repercuiſſo cum reddimur obuia ſoli,
Et non turbatis umbra videmur aquis.
Flos Narciffus erat, ſed cum ſe deperit undis,
Umbra pro facie reddidit vnda ſibi.
Quod NARCISSE vides, hoc eſt SAPIEHA, ſed ille
VMBRAM ſe ad FONTEM repperit, iſte DOMI

II. VITA TABULA

G Eſtit Amazoniâ latus intercludere parma
Vita, ſed eſt filis vita coacta ſuis.

B.

Scio

Seu tunicis adamantæ gerat, sit cassida fronte,
Fortior in telas ibit. Arachna suas.
Cum patrias Cuius fortes laudabit Athenas,
In TABULA; dices, ingeniose Læcon.
Fortis adhuc cui, medios SAPIENHA per annos
Frangitur, in TABULA fortis Gille fuit.

III.

MORS LINEA.

CVi placet armatus Mauors, Actæaq; virgo,
Et facies belli sanguinolenta notis.
Erigat hic Martem, nec in Hectora stabit Achilles,
Solutus in pugnas hostis inermis erit.
Linea sola diem non vano finiet ictu,
Christophori nuper finijt ista diem.
Ecquid in arma viros, & in hostes querimus arma?
Debellat nostrum linea sola caput.

IV:

STATUTVM MORI.

SVmma brevis vite spes nos vetat edere longas,
Hora dedit, nostram perdit & hora diem.
Vellere Parcarum regimur, quodcumq; superba
Constituere colus, soluimus atq; sumus.
Pallida mors indiscreto ferit omnia telo,
Non homicida tamen iure perire potest.
Namque citata suo defenditur illa statuto, &
Jura nihil dicunt Iustiniane tua.



SAGITTA SAPIEHANA.

Duplici Cruce insignita.

I.

L Inca Protogeni magnum laudauit Apellem
Quae medias inter prodigiosa stetit.
Est, quae caelestem mundo fateatur Apellem,
Quae stetit, in ceris ducta Sagitta tuis.
O SAPIEHA! vides, tantum quo stemma triumphat,
Cui portat geminas ducta Sagitta cruces,
Vna triumphatis crux sufficit hostibus, ecquos
Non vincet, gemina iuncta Sagitta cruci?

II.

S Vbstitit aeterna Petrus pro limine Porte,
Cum secuit medium fixa Sagitta polum.
Tunc ait. En priscos reparat mentita Typhaeos
Fabulae quae caelum vis inimica ferit?
Mitis ad haec Petro sic reddidit ore Sagitta,
Est mihi per nostram, trames in astra crucem.
Acquiris superos unam cum Petre tulisses,
Non ego, quae geminam tollo Sagitta crucem?

III.

F Orte serenati picto sub margine caeli,
Adfuit è patrio missa Sagitta solo.
Cumq; viam vellet, sed non via clausa pateret,
Est ait una mihi non benè clausa Via.
Dixit, & Heroum Christi latus accipit, illud
Quod pia Longini fregerat hasta latus.
Christe tui Lateris pulsabo Vulnus apertum,
Quod mihi pulsanti reddet in astra Viam.
Christe, polum soli pulsanti dicis apertum,
Sta Verbis, postes en ego pulso tuos.

Q Vis potuit Crucibus geminam sponsare sagittam?
 Vnaq̃ sit gemina Vincta sagitta Cruci?
 Non tam deuote veniunt incude sagitte,
 Quas solidus Brontes, quasue Typhæus agit.
 Cetera stant morti, restant tibi stemmata Christe,
 Stemmata dilecte, miq̃ tibiq̃ Cruces.
 Vanum sit reliquis iactari stemmate, soli
 Sed iactare mihi stemmata Nostra licet.

AD MAGNANIMAM IUVENTUTEM
 LITHVANAM.

Vita Trames Gloriæ.

Somnus euntis cui,
 Et brevis cursus properantis super astra vite,
 Nos monet inchoare
 Spes breues, spes que deceant corporis inquilinum:
 Quæ pereunte vitâ
 Erigant cælo, & memorent omnibus orbe fastis.
 Sic Iuuenis memento
 Vltimam finire diem, conspicuam pudore.
 Hæc vice gloriosi
 Seculum accepere triumphi Iuuenum, vel astris
 Cognita Nicolai
 Vita SAPIENTIAE: similes tu tibi pande laudes.



12
A D E S

Spectator.

Mors est quæ de animis verum dicit.

N O N H I C

Palladiū Theodosij cursorē quere, cui immensū illud Rom:

Imp: spatium, tridui iter fuit:

S E D Q V I

*Longa ac futura annorum spatia ante ætatem
precucurrit,*

Vitam ante mortem consummauit.

C V M

*Senilem iuventam prematurâ morte
deposuit.*

CHRISTOPHORVS
NICOLAVS SAPIEHA

*Nec enim senium expectauit, quod Adolescens
præciperat,*

*Laudatori & magno, & cum cura dicendus.
Si ætatem spectes,
Breuis fuit.*

*Incipe illum Virtutibus æstimare,
Sempiternus est.*

EX HOC

*Humane vite longitudinem addisces, in qua tantum.
Sapientes laborârunt.*

*Amplissimum quippe Vite spatium est
usq̃ ad Virtutem viuere.*

C

A D E 3

Specimen

Alte und neue Drucke

U. O. M. H. C.

Tabulae Tabularum

Tabularum

32 D. 3 N. 1

32 D. 3 N. 1

32 D. 3 N. 1

32 D. 3 N. 1

32 D. 3 N. 1

32 D. 3 N. 1

32 D. 3 N. 1

CHRISTOPHORVS
NICOLAUS SATTER

32 D. 3 N. 1

32 D. 3 N. 1

32 D. 3 N. 1

BIBLIOTHECA



EXHOC

Hinc est

Exhinc

Exhinc

C

Biblioteka Jagiellońska



stdr0010318

